

分佢成長个大專生活

大專團契分佢兜有還較開放个價值觀，乜培養佢兜有思考个能力，這係大專團契摻教會團契盡無共樣个地方，盼望佢兜都做得將大專精神延續下去。

文、圖 | 謝明翰 / 台南大專南台百合團契107級畢契，台南市中小學客語教師
校 對 | 何碧安 / 竹東基督長老教會牧師



從地方教會到大專團契

佢係從小在教會大个細人仔，又因為佢个個性，試著教會分佢當多在屋下得毋到个

感受，故所佢雖然到外地讀大學，佢乜毋會試著總算自由咧，無人管佢去毋去教會；佢顛倒想愛尋該片个教會、該片个團契。

佢正經當感謝有大專團契這四年个生活，大專團契四年个生活分佢改變當多，不管係生活上，抑係價值觀，分佢有當多感受。像係思考个能力，這係在佢還細時節个教會較無講到个。比論講，牧師識開玩笑講，你兜做得疑狐佢，因為佢講个無一定係著个。換句話講，牧師講个無一定係著个，

這正經係佢從來毋識聽過个，心肝肚想，係講牧師講个無一定係著个，佢愛仰仔做牧師呢？答案相信大家都知。

會後會

另外，佢一定愛分享一件事情，大專生活來到了三年生，佢兜南百（南台百合）團契迎接了一群一年生个學弟、學妹，當感謝有上帝个愛，分這群學弟妹在團契肚共下成長、受造就。因為在團契肚經歷了當多事情，不管係生活營，還係大專中心个聖誕禮拜、畢業禮拜，大家个感情緊來緊好。常透在聚會結束以後，共下去食宵夜，甚至還共下去山頂看夜景，這係佢從來無想像過个大專生活。雖然有兜人因為畢業來離開，毋過佢這個學長還係繼續帶領一屆又一屆个學弟妹來食宵夜、看夜景。佢兜都會講這係「會

後會」，佢兜乜知來參加團契毋係為著會後會，會後會這個環境係大家認為安全个環境，做得講當多平常時毋敢講个話，像係感情、抑係家庭這兜，都分大家變到還較了解對方。

延續大專精神

總講一句，大專團契分佢兜有還較開放个價值觀，乜培養佢兜有思考个能力，這係大專團契摻教會團契盡無共樣个地方，盼望佢兜都做得將大專精神延續下去。🙏



本文母語聲音QR Code

東榮診所

家庭醫學專科

洪芳茂 醫生

全身健檢 · 轉診診斷服務

東榮健康全方位：<http://www.markettaiwan.com.tw/jnnemabel/>

保養主治項目：

營養健康調理諮詢 | 等滲透天然營養品

感冒 | 頭痛 | 頭暈

疼痛 | 酸痛

自律神經失調 | 神經衰弱

戒菸 | 戒酒

減重

TEL : 04-23583769

40766 台中市西屯區中工三路78號